


HOLMIUS
ADM. & F.
GIÖDE.



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 950 4°






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 950 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 950 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 950 4°


43. - 148


DA BOX

LN 950

M







Carmen ὡς περ μίχον

NOBILITATE
GENERIS, ERVDITIO-

NE, ET VIRTUTE PRÆ-
stantissimis, D. Magno Giöde, D. Fal-
choni Giöde Dominis de Schierfœe, D.
Erico Lange de Engellstholm, Et viro do-
ctissimo ac humanissimo D. Magistro Se-
uerino Schött Grenonensi scriptum cum

Viteberga in patriam abirent Men-
se Septemb. Anno 1573.

A

IACOBO IOHANNES HOLMIO.



VITEBERGÆ

EXCVDEBAT IOHANNES

CRATO,

ANNO M. D. LXXIII.



CARMEN ΠΡΟΠΕΜΠΤΙΚΟΝ.

σὺν θεῷ καὶ τύχῃ ἀγαθῇ.

Vesper erat quando radijs hyperione natus
 Flamniger, antipodas primum lustrabat, & ipsa
 Cassiopea nouam cœpit dispergere lucem
 purpuream, fuit ista nouo gemmata decore,
 Ætas impunè vidit quem nulla, cometæ:
 Sub cælo residens per amica silentia lunæ
 Omnia voluebam crebris singultibus isthæc,
 Quæ demissa dedit retro labentibus annis
 Tisiphone, egrediens horrendi ditis ab antro
 Concomitata suis furijs: ea mille minata est
 Vastaturam arces & opes, diroq; daturam
 Christiadum exidio populos, confecit & illud
 Prosternens fortemq; marem miseramq; puellam.
 Somnus detraxit me hæc tristia fata volentem
 Deplorare, solet tranquilla obliuia somnus
 Suppeditare silens, membris animoq; vigorem.
 Strani corpus humi, prætensaq; brachia mento
 Supposui, cerebro cum debilitata calorem
 Vitalis virtus residet quæ corde negaret,
 Ipsa sibi requiem, vitæ toti atq; ministrans.
 Tunc rerum species nunquam quas mente reuolui
 Concipiens animo, miracula talia vidi,

A 2

Mobilis

Mobilis articulet verborum dædala lingua
Quæ nunquam, fortè & luserunt somnia mentem.

Arboribus syluam tangentem sydera celsis,
Tendentemq; comas, plenam & syluestribus herbis
Præteriens, vidi vestitum gramine montem
Aërium, ac herbis roseis, in vertice cuius
Structa erat arx celebris vallatis mœnibus alta,
Fuluo picta auro tanquam domus illa Deorum.

Passæ sponte fores pictæ, portæq; reclusæ
Difficiles aliàs, surdæ & pulsantibus. Ipse
Ingressus vidi deceptus imagine mira
Quæ referam, sunt hæc manibus tractanda verendis.

Distinctæ folio tres consedere sorores
Sublimi paribus spacijs, diademate claræ
Gemmifero, at dirum spirantes naribus ignem
Irata, ceu propositum prosternere cuncta
Illis, aut nostris erroribus addere pœnam
Commeritam, super hæc constructum adamante perenni
Quæq; colum retinens, contorsit stamina fuso
Stamina quæ metæ miseris mortalibus essent
Terminus & vitæ: pendebant omnia telis
Quæ sunt, quæ fuerant, & quæ ventura trahentur.
Extra auro portæ cælata, & imagine mira
Depictæ apparent, intus madefacta cruore
Limina at occurrunt: Et tanquam in faucibus orci
Vestibulum ante ipsum posuere cubilia diræ,

Ultrius

*Vltrices furiae, ac aduerso in limine bellum,
Ferreiꝫ Eumenidum thalami, & discordia demens:
Occurrunt aditu in primo sic sanguine tincti
Ærati hinc postes, luctus, lethumꝫ, laborꝫ,
Crimen viperium vittis innexa cruentis.*

*Obstupui, sensiꝫ metu riguisse capillos
Sollicito: Mox hinc solij nutare cacumen
Visum, & ob hoc pariter dictæ rupere sorores
Stamina, concutior referens quæ fata secuta.*

*Itur in horrendas cedes, effusa ruebat
Turba ingens, vidi iuuenumꝫ, senumꝫ cohortem
Matres atꝫ viros, præstantia corpora mille
Magnanimum heroum, pueros, pauidasꝫ puellas,
Conseruisse manus, armis, vultuꝫ minaci:
Conclamant arma expediat quisquis sua secum
Esse velit salua, & diris mucronibus instet.*

*Cernenti hæc gelido tanquam fluuiialis arundo
Contremuere metu mihi viscera: Cernuus ipse
Orabam, & trepidus quamuis in vtrunꝫ paratus
Vel seruare fidem, vel certæ occumbere morti.
Exaudita Deo mea vox, hic protegit agmen
Namꝫ suum: Consolatum me misit & ipse
Euterpen, solet affectus vrgere salubres
Ipsa suis calamis, confestim ea talibus infit:
Fide, Deum implorans, & quæ spectacula videbas
Accipito, expediam referens ab origine paucis:*

Stare dies homini fatales vulgus ab ortu,
Et fatum præceps, & ineluctabile lethum
Autumat, & parcis quod inexorabile fatum
Sit cunctis reputat: Nulli exorare sorores
Contigit has, inquit, vel neuit rumpere stamen
Improba quod Lachesis, nisi frangeret Atropos illud
Ferrea, quæ vitam miseris cum stamine rumpit.

Hæc ideò decreta adamanti incisa feruntur,
Trux maneat cunctos quod mors, summisq; negatum
Stare diu, sit eisq; grauis sub pondere lapsus.
Non Deus est noster parcarum carcere clausus
Stoicus vt reputat, vana atq; catharmata mundi
Plurima: Namq; potest Solem cohibere volentem.
Sed finit hic agmen quod amat, quod protegit, atq;
Mater ceu puerum complectitur, aspera sæpe
Fata subire, probant madefacti sanguine postes
Illud & innocuo, quos defensoribus orbas
Pontificis rabies Latij sædauerat: hostis
Perfidus ille Dei sæuos emittit in omnes
Oras carnifices, flammis, ferroq; minantes
Christiadum populo: vestra hic ego funera testor
Quos sceleris puros Gallorum perfida turba
De misere neci, palla ferale tegentes
Purpurea bellum: Tellus tua sanguine Galle,
Innocuo manat, tristiq; cadauere Lymphæ.
Hæc strages, hæc proditio miseranda, videbas

Quam

Quam prius, hæc Christo tum conniunte peracta est
Vindice supremo, sed post fata altera restant,
Et manet in medio victor, damnoq; triumphans
Christus perducens animas ad gaudia cæli.
Est & cuncta potens imperdita membra suorum
Conseruare, probant exempla id plurima, quorum
Vita illæsa manet funestis cincta periclis:
Contestabuntur cari tibi sympatriotæ
Faucibus erepti tanquam crudelibus Orci,
Istis vera salus, Christo auxiliante triumphant:
Commenda numeris hæc, & gratare beatiss
Sortem tam placidam, laudabunt fortè minores,
Optimum à λεξιγράφοις Christum tua scripta legentes.
Dixit, & in tenues euanida transiit vmbas.

Tunc vigil à mento somno cedente remouit
Brachia, distendens longo curuamine nervos
Somno demulsos, mirabar somnia tanta,
Mirabar mandata Deæ: modulamina linguae,
Grata Deo primum solui, dehinc talibus orsus:

Ergo suos reduces communi Dania voto
Accepisse viros letetur, mille periclis
Angelicis humeris gestatos, cæde nefanda,
Gallorum exemptos, qua tot cecidere cruento
Ense viri, matres, pueri, innuptæq; puellæ,
Quot de lapsa cadunt autumnī frigore primo
Pampinei folia, aut segetum numerantur aristæ

Quot cum messor agros feruenti messe perustus
Falce secat curua, aut ad terram gurgite ab alto
Quam multæ glomerantur aues, vbi frigidus annus
Trans pontum fugat, & terris immittit apricis.
Gratia magna Deo: Tu iubila Danica proles
Ad cælos tolle & plausus, nam nobilitatis
Eximie adueniunt iuuenes, virtutibus aucti
Pluribus, exculti linguis atq; artibus illis
Queis cum durabit florens respublica, eisdem
Posthabitis fera barbaries & auara sequentur
Dissidia, & luctus ignavi, iniusticiæq;
Queis tandem prorsus respublica pressa iacebit.
O laus vera viri didicisse fideliter artes
Ætas dum floret puerilis, easq; frequenti
Euoluisse manu. Sic sic rectè itur ad astra,
Sic colitur Deus omnipotens, respublica floret
Tali ornata viro, verè isthæc vita beata.

Nauis vt incertis ventis quassata volucris
Errat, & in scopulos cæcos propellitur, vndis
Excepta assiduus, quando non rector habenas
Temperat assuetus, fundamina qui tenet artis
Nauigij: Impellit conuersa cuspide montem
Neptunus, venti celeres velut agmine facto
Quà data porta ruunt, totumq; à sedibus imis
Concutiunt mare nauifragum, venit Eurys & asper
Africus, & vastos voluunt ad littora fluctus,

Nauem

Nauem disscijunt, quæ nunc in vertice summo
Irati pendet fluctus, nunc vnda dehiscens
Terram inter fluctus aperit, furit æstus arenis
Vanus & exoritur clamorq, laborq, virorum.

Sic cum dissidio & bello respub. tristi
Concutitur, pugnis validæ civilibus vrbes
Quassantur grauidæ, fortes Mars deijcit arces
Sanguineus, nec qui regni moderatur habenas
Artis militiæ expertus fera deijcit hostis
Fulmina, prudenti cultus sapientia & arte:
Vrbes vastantur munitæ, & diripiuntur,
Theauri arcani, vestes, æs: cæde nefanda
Funditur innocuus sanguis, sunt plena tumultu
Omnia quisq, suæ prædæ crudeliter instat.
At pietate grauem & meritis si fortè virum quem
Gens habeat, qui regna, vrbes, arcésue gubernet
Docto consilio, porrectis auribus astant
Iussa capeffentes sapientia, floret ibidem
Pax tranquilla diu, floret respub. tota.

Tales adueniunt nunc quæis ea gloria detur,
Et laus, & pietas, patrumq, innoxia virtus,
Tantis crimen erit vos non assurgere amicis.

MAGNE bonis animi, Clarys è fontibus haustis
Auctus es à puero, doctas intelligis artes,
Conseruas animo vigili, recteq, fateris
Publica neglectis violari commoda Musis.

B

Perge

Perge vt cœpisti, Christum cole, volue frequenti
Iura manu, colē iustitiam, patriamq; iuuato:
Hæc te nascentem excepit, nil ergo pigebit
Pro patrijs pugnare focis, fabricator olympi
Sic te fortuna, tranquilla & pace beabit,
Conspectu ille suo tibi det cum luce potiri.

FALCHO tibi pulsare chelym, & depromere carmen
Æquum est, Nestoreos quod laudem extendat in annos,
Æternos potius: didicisti sedulus artes,
Nouisti linguas, quarum est ante omnia finis
Vt pietate Deum noscas, patriosq; penates
Defendas: Tu velle tenes, nec posse negatur.
Iustitia & legum pietas fidiſſima custos
Virtutis, dehinc accedens prudentia rebus
Accessum prohibet vitijs: Tutissimus ibis
Si tibi virtutem statuas finem esse laborum.

Me ventura tuum proferre in secula ERICE
Nomen demandant, te nutriuere Camenæ
Quæ puerum, in primis Erato, committere chartis,
Illa etenim Aonijs docuit te carmina, cernens
Ingenij vires, virtutis semina, & artis.
Hæc monet vt facias benè quod facis, approbat ergo
Acta suo hortatu: Laudem tibi propria virtus
Attulit, hanc ornet pietas vitæ utilis, atq;
Sedulitas, Multum est sacris assuescere Musis
A puero, dant spem Musæ, & solatia præbent

Ne

Ne languere sinas animum, aut rubigine ledi.

Recti viue memor, vitæ sit finis honestas.

Inchyta virtutis immittere nomina chartis

Ingenium exquirat doctum, deposcit & artem

Docte SEVERINE: At video mihi curta suppellex

Quàm sit, quæ ex ipso bona vera helycone mereri

Hactenus haud poterat, nec tu priuandus honore

Quem fortè obscurem deducto carmine: At ipsum

Doctis & placuit patribus, tibi fortè placebit,

In quo simplicitas, candor, pietasq; relucet.

Montis lauriferi subiturus culmina (quondam

Bellopheron teus fodiens quem fonte perenni

Nobilitauit equus) vestigia nulla secutus,

Insciolusq; rudisq; puer, tibi Calliopea

Pieris arrisit, lassarent scrupula quando

Saxa pedes: Tacitè, non dulcia sentiet, inquit,

Dulcia semper amans & qui non gustat amara.

Inde aditum ostendit facilem, qui tramite recto

Duceret ad Musas, viridemq; hunc gramine, nec te

Destituit cursu in medio, fastigia montis

Tecum conscendens, & adhuc comitatur euntem.

Sedula te docuit naturæ inquirere causas

Arcanas, diuina regant vt sidera Mundum

Consociata Deo, hæc solus qui temperat, illis

Vt duo subiectis dominantur lumina, & ipsa

Diuerfa officio, patris nam munere Phæbus

Fungitur in terras, matris Latonia proles,
Vt circumfuso dependeat aëre tellus
Ponderibus librata suis, sinè pondere cæli
Conuexa vtq; habitat vis ignea, proximus aër
Vt circumfundat terram, & circumfluus humor
Emineat partim, partim penetralibus imis
Terræ includatur, quid siccos adferat æstus,
Frigora quid faciat, variet cur segnifer annum
Obliquus, noctes æquet cur libra diebus,
Accendat piguem quo fomite flamma cometen,
Quid ferat & terris fato: Conceptus in auris
Formet vt aërijs ignis cum fulgure tela,
Mucrones, frameas: Tellus cur tacta tenebris
Ingemat, & qua tacta tremat formidine tanta.
Pluraq; te docuit, quæ sit distantia Thules
Quæ Latij: Nouit doctissima Pieris omnes
Terrasq; tractusq; maris, cælumq; profundum,
Tandem te edoctum magno decorauit honore
Impositis capiti fertis, sanctaq; corolla
Ambrosio, hæc nomen tibi mystica sacra Magistri
Imposuere, dabit semper tibi nomen honores.
Nunc patefacta tibi diuino oracula flatu
Proclama populo, peruersum linquere morem
Peccandi suade, neglectæ aperito salutis
Fontem, atq; auersos terre formidine pœnæ,
Inuitans rursus cælestis amore parentis

Ad

*Ad veniam, mandaq; fide sperare salutem.
Aspera sic sæuæ fortunæ tela cauebis,
Aut ictus reprimes constanti mente dolorem.
Hæc iussu Euterpes cecini, ratione poetæ
Quæ canerent meliore alij, cum vilior huius
Ingenij vis sit, molesq; hæc alta laboris.
Ite bonis auibus, vos & clementia cæli
Excipiat, venti cum tempestate faceffant,
Nullus ab occasu veniens pluuiialibus hædis
Verberet imber humum, valeat nimbosus Orion,
E valeant Hyades. Nunquam imprudentibus imber
Accidat, hæc animo memori si dicta notetis:
Si Boreæ de parte trucidis vel fulminat, aut si
Euriq; Zephyriq; tonat domus, æriæue
Aufugere græues, circumuolitauit arundo
Aut arguta lacus, ranæ aut cecinere querelam:
Vos conferte domum, nam tum pluuia atra sequetur,
Cæcæq; collisos conuoluent nubila fluctus:
Tum Baccho libate grauem cratera leuantes.
Sin stellis acies non nocte obtusa videtur
Sed claræ elucent, radijs non obruta luna
Fratris consurgit, nebula campoq; recumbunt,
Et magis ima petunt, rubet ac hyperione natus
Occumbens, non exercet fera noctua cantus:
Inuigilate viæ, nam tempestate subacta
Venti aderunt faciles vobis & amica Serena.*

B 3

Festina

*Festinate, vocat redeuntes patria voto
 Sollicito, vobis multoq; applaudit amore,
 Inq; Sinum recipit: vultu fortuna sereno
 Vos vocat, & spondet fulgentes omine fasces
 Felici, vobis populi sancitq; fauorem.
 Solliciti excipiunt reduces qui sanguine iuncti
 Omnes cognati, vel queis cum sanctior usus
 Dilectæ matres: dextras coniungere dextris
 Sollicitæ exoptant, & vota ad sidera volunt.
 Ite Deo tuti, Christus comitetur euntes
 Immotus custos, circumvallata periclis
 Vita laboriferis, ipso duce nulla nocebunt
 Brachia latronum seuo pallentia letho,
 Non pestis, non insidiæ, non acre venenum
 Aspidis, hic patriæ tutos vos limine sistat.*

γενάρχοι βαρύνοντες.

AD CLARISSIMUM VIRVM
 ERVDITIONE ET VIRTVTIBVS PRÆ-
 stantem D. Magistrum Seuerinum Schoth, Viteberga
 in patriam abeuntem.

Σὺ δὲ ποτὶ χάριν νεότητος, ἐμὸν αὐτίκα θυμὸν
 ἄλγος ἰκάνει, ὁμῶς μὲν φρεσὶν πένθει ἄλαστον·
 ἡμῶν γὰρ γλυκερὸς καὶ χρησίμῳ ἑὸν ἰαρισμός,
 λαοκρέων ζαφείων ἐνὶ εὐκτιμῶν πολυέθρῳ,
 ἐν δὲ ἐγὼ εἰς ἀποκλήδην, φασίμβροτον ἦν

μέχρ' ἵς

8
 ρεις δ' αὖτε λίγες θνητὺς σπιδέρεται ἡμᾶς.
 Συμπάντων δὲ θεοῖο γέρας φίλῳ ἐστὶ μέγιστον
 γνήσιον, ὃς πῖς καὶ ἐτητύμα ἔμμορ' ἑταῖρος,
 ὡς κικέρων ἐν τῷ πῶι τῆς φιλίας ἀγρεύει,
 ἀλλὰ σὺ ἀτρεκέως τῖσθ' ἑών, μοι ἐδῆξας
 ὦ Σεβέρνε αἰεὶ τὸ ἀκισθήλας παρὰ δόγμα
 τῆς φιλίας, τοῖον πυλάδην εὐπιστον ὀρέσῃς
 ἡματα πάντα βίῃ φίλῳ ἐκ φρενὸς ἦεν ἑταῖρος.
 εὐχομαι ἀθανάτῳ γούν καὶ πολυλόῳ ἀνάκτι
 σοὶ ἀπίοντι θεῷ ὅς πάντ' ὀλβια δοίη,
 ὑγεμονῆα ὁδῶ πέμψοι τε καὶ ἄγγελον ἐδολόν.
 χαῖρε φιλε πρᾶπίδεσσι εμοῖς, καὶ πάντοτε χαῖρε,
 πασῶν ἢ δ' ἰαλέων ἐκποδεν ζήθι μερμνῶν.

NICOLAUS LAVRENTIVS
 RIPENSIS.



